

Guangjisi Minzcu Bau

ganhhau: CN45-0036 B.2017 Nd.8 Ng.9 liggaeuq dingyoux nienz nyinh ndwenloeg cibbet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3286期

Denzlinz Yen Haenqrengz Dajcauh Diemj- rongh Moq Hawj Bouxguhnaz Demsou

田林县着力打造农民增收新亮点

Bineix daeuj, Denzlinz Yen hopheux cinjing bangfuz gunggeng cawjsienq, yungh hawj nungzyez demyauq, bouxguhnaz demsou guh moegbiu, cingjhab gak cungj cienz-ngaenz, gyalai canjnieb bangfuz ligdoh, cungdenj bangfuz gveihmoz nungzyez, daegsaek nungzyez daengj, cugyamq laebguh gij nungzyez daihneix gwzgis moq canjyezva hwngfat vunqsik.

Aen yienh neix haenqrengz cauh ndei haeuxgwn canjnieb, cietsaed ca ndei guenjieix henhoh doenghnaz gomiuz byonghbi laeng, roengzrengz hawj haeuxgwn cungj canjliengh daengz 9.5 fanh dun doxhwnj; haenqrengz gungganq hwngfat daegsaek

canjnieb, haenqrengz doicaenh bonj yienh byaekheu mbouj miz goeng-haih, mak, oij, raet, ywdoj, ien, youzczaz daengj daegsaek canjnieb hwngfat; haenqrengz gungganq bouxguhnaz ciennieb hozcozse, ranz dajndaem dajciengx lai, sinhhingz cizyez bouxguhnaz daengj sinhhingz ginghyingz cawjdaez; haenqrengz doicaenh hwnjguh diegguhyienh nungzyez daihneix, cungdenj fatok diegguhyienh makgaivaiz canjnieb Lozlij Cin, diegguhyienh youq ndaw ndoeng ciengx gaeq Veilinz daengj guhyienh daiqdaez cozyung, coicaenh canjnieb hwngfat, bouxguhnaz demsou baenz fouq; haenqrengz cauh doi nungzyez daegsaek

binjbaiz, daezswng hawj canjbinj mizmingz, cungdenj ca ndei daezswng "rangz Bazdu" "lingzcih" "bit raemx-seuq Licouh" "gaeq ndaw ndoeng" daengj daegsaek gijndei nungzyez canjbinj.

Ciuq cam rox, byonghbi gonq daengx yienh gizdieg swnghecanj cungciz 20.1 ik maenz, demlai 10.2%, ndawbiengz siuhfeibinj gailingz cungjeng 5.42 ik maenz, demlai 11.2%; bouxguhnaz bouxvunz bingz-yaenz ndaej ceiboiqu souhaeuj 5019 maenz, demlai 10%; vunz hawsingz bouxvunz bingzyaenz ndaej ceiboiqu souhaeuj 14777 maenz, demlai 8%.

(Yenj Cinbyauh)

SIUSIK DINJ

简讯

● Ndwen 7 ngoenz 11 hainduj, Hoznanz Swngj Anhyangz Swxfan Yozyen Dangjvej daengz Mbanjyauz Mbanjcwngzgj Linzcwngz Cunh Bwzyinz Yangh Yungzsuij Myauzcuz Swciyen haiguh aen hozdung bang son'gyauq, aen hozdung neix guh ndwen ndeu. Ca mbouj lai 10 boux bouxgagnyienh daihhagseng daeuj son'gyauq 40 lai boux hagseng iq Yauzcuz louz mbanj vehveh, diuqfoux, yinx simleix daengj 12 monz yozgoh, hawj gyoengq lwnyiez gvaq mbat gyaizeihwngq angqyangz caensaed he.

(Lungz Linzci)

● Ndwen 8 ngoenz 5, Namzningz Dietloh Giz haiguh aen hozdung ngoenz haicuengq dietloh, yungh ndwen 8 ngoenz 5 caeuq ngoenz 6 song ngoenz singeiz neix cujiz 50 aen gyananz yawjngonz gij gencuz geiqhauh dietloh caeuq sezbei sezsih dungceh, hawj gyoengqde haeuj gyawj roxnyinh dietloh hwngfat bienqvaq.

(Luz Boh'an)

● Geij bi neix daeuj, Liujcouh Si Yungzanh Yen giethab swhyenz vanzging caeuq dienheiq daegsaek dangdieg, sonyinx caeuq bangfuz vunzlai gungzhoj diegbya dajndaem makit song miuz, cujyau dajndaem makit yahwz, vwnhgwz song cungj, guhbaenz le cungj vunqsik moq canjnieb banggungz dajndaem, guenjieix, siugai, cwkyo caez guh, moix moux ndaej laisou 5000 maenz baedauq, bangcoengh vunzlai gungzhoj diegbya vaiqdi vut gungz baenz miz.

(Danz Gaijhingh)

● Bineix hong ciubing hainduj daeuj, Denzyangz Yen gak gaep dangjvej cwngfuj gig yawjnaek hong ciubing, dawz hong dungyenz senhconz dang bing saeqsim guh daengz singz mbanj gyananz moix boux bouxcoz hab bi'ndwen bae, cietsaed guh daengz senhconz caeux, fatdoengh caeux, anbaiz caeux, hengzdoengh caeux, doeksaed caeux, hawj gyoengq bouxcoz hab bi'ndwen gaenmaenx bauqmingz bae dang bing.

(Vangz Gozsun)

Lozcwngz: Sim Lwngnyez Ronghsag·Sim Gou Mbinyagyag



罗城: 童心灿烂·我心飞扬

Ndwen 8 ngoenz 4, Aen Cungsim Bouxcoz Nyezrauh Hozdung Lozcwngz Mulajcuz Swciyen banh vwnzyi comzyienj yienjok aen cawjdaez dwg "sim lwngnyez ronghsag·sim gou mbinyagyag", dap aen daizheiq hawj gyoengq lwngnyez baij dungxcaiz bonjfaenh, diuqfoux, yienjgangj, biujyienj heiqcingzgingj daengj cezmuz ndeyawj doxlwnz hwnj daiz yienj, cungfaen yien'ok gij cingsaenz yienghsiengq gyoengq lwngnyez mbanjbya Mulaj cingsaenz gvaekgvaek, doengzseiz baij gij cingzgoj bang songyauq bouxcoz nyezrauh rogdangz dwz ci dij yienjheiq hawj ndawbiengz caeuq gyoengq bohranz hagseng yawj. Ndaw doz dwg lwngnyez cingq biujyienj diuqfoux.

(Mungz Cwnghsw/蒙增师)

Vanzgyangh Haenqrengz Bangcoengh Daeg- saek Canjnieb Bang Doi Cinjing Bangfuz

环江大力扶持特色产业助推精准扶贫

Vih cienzmienh dwkhingz ciengz ciengq vut gungz gunggeng, Vanzgyangh Mauznanzcuz Swciyen Minzcunghgiz gaenjdaet hopheux gij moegbiu guhhong cinjing bangfuz daengx yienh, maenhfwd gaemdawz deihfueng daegsaek, haenqrengz bangfuz gijndei nungzyez, coicaenh ginghci lajmbanj gungzhoj cienjhingz hwngfat. Bi 2016, leihyung gukgya "gij ngaenzcienz bangfuz hwngfat minzcuz vunz haemq noix" hanghmoeg 40 fanh maenz, bangfuz Yananz

Yangh laeb dangjan laeb mbawgaj ranzungzhoj 37 ranz dajndaem makit, dajndaem mienhcik daengz 200 moux.

Mauznanzcuz dwg minzcuz vunz haemq noix, Yananz Yangh dwg dieg comzyouq Mauznanzcuz. Aenvih diegyouq dwg dieg rin lai, bya lai reih noix, cauhguh diuzgienh rwix, doenghgi gomiuz sou ndaej noix, dwg gij yienzaen cujyau lajmbanj deng gungzhoj. Vih gaijbienq cungj cingz-gvang neix, ginggyaq daengzdieg

gaujcaz caeuq lai fueng lwnhcingq, nyinhnaeuz diegdeih caeuq dienheiq mbanj mbanj hab dajndaem makitbwn. Aenvih makitbwn ngaih guenjieix, canjliengh sang, yauqik ndei. Linghvaih, makitbwn maj baenz laeng gvaq makit wng, mienx deng aenvih comz seiz baenz gai gyaqcienz doek daemq. Ndigah, dawz dajndaem makitbwn dangguh daegsaek canjnieb daeuj hwngfat, dwg diuz roen moq hawj bouxguhnaz diegbya vut gungz baenz miz.

(Mungz Siyiz/蒙是宜)